



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

Fidei Symbolvm Contra praecedentes errores Giliberti.

**urn:nbn:de:hbz:466:1-15588**

ANNO  
CHRISTI  
1148.  
EVGENIVS C. RHEMENSE. CONRADVS III. IMP.  
LVDOVICVS VII. R. FR. 187

## CONCILIVM RHEMENSE

<sup>a</sup> CONTRA EON HÆRETICVM,  
qui dicebat se esse Filium Dei, per quem omnis oratio  
concluditur, cum dicimus: Per eum qui venturus est:  
item contra assertiones Giliberti Porretani Piætäuensis  
episcopi, aliisque de causis indictum & celebratum an-  
no Domini MCXLVIII. tempore Eugenii papæ III.

ASSERTIONES GILIBERTI PORRETANI  
*Pictauiensis episcopi.*

**Q** uod diuina natura, quæ diuinitas dicitur, Deus non  
sit, sed forma qua Deus est, quemadmodum huma-  
nitas homo non est, sed forma qua est homo.

Quod cum Pater & Filius & Spiritus sanctus vnum es-  
se dicuntur, non nisi vna diuinitate esse intelligantur, nec  
conuerti possit, vt vnu Deus, vel vna substantia, vel vnu  
aliquid, Pater & Filius & Spiritus sanctus esse dicatur.

Quod tres personæ tribus vnitatibus sint tria, & distin-  
ctæ proprietatibus tribus, quæ non sunt ipsæ personæ, sed  
sunt tres æternæ, & ab inuicem a diuina substantia in nu-  
mero differentes.

Quod diuina natura non sit incarnata.

## FIDEI SYMBOLVM CONTRA præcedentes errores Giliberti.

Anno Domini millefimo centesimo quadragefimo octauo symbo-  
lum istud sub Eugenio tertio papa in Rhemensi Conclilio firmatum  
est a patribus prouinciarum.

Credimus & confitemur simplicem naturam diuinita-  
tis esse Deum, nec aliquo sensu catholico posse negari  
quoniam diuinitas sit Deus, & Deus diuinitas. Sicubi vero di-  
citur: Domini sapientia sapientem, magnitudine ma-  
gnum, diuinitate Deum esse, & alia huiusmodi; credi-  
mus non nisi ea sapientia, quæ est ipse Deus, sapientem es-  
se; non nisi ea magnitudine, quæ est ipse Deus, magnum  
esse; non nisi ea æternitate, quæ est ipse Deus, æternum es-  
se; non nisi ea vnitate vnum, quæ est ipse; non nisi ea diu-

Concil. Tom. 27.

Fidei sym-  
bolū contra  
errores Gi-  
liberti.

Aa ij

188 EUGENIUS CONCILIVM CONRADVS III. IMP.  
P. III. LUDOVICVS VII. R. FR.

nitate Deum, quæ est ipse, id est seipso sapientem, magna-  
num, æternum, unum Deum.

Cum de tribus personis loquimur, Patre & Filio & Spi-  
ritu sancto, ipsas unum Deum, unam diuinam substantiam  
esse fatemur. Et e conuerso cum de uno Deo, una diuina  
substantia loquimur: ipsum unum Deum unam diuinam  
substantiam esse tres personas confitemur.

Credimus & confitemur solum Deum Patrem & Fi-  
lium & Spiritum sanctum æternum esse, nec aliquas omni-  
no res, siue relationes, siue proprietates, siue singularitates  
vel unitates dicantur, vel alia huiusmodi adesse Deo, quæ  
sint ab æterno, & non sint Deus.

Credimus & confitemur, ipsam diuinitatem, siue sub-  
stantiam diuinam, siue naturam diuinam dicas, incarna-  
tam esse, sed in Filio.

## CANONES CONCILII RHEMENSIS.

### I.

Qui ab episcopis suis anathematis sententia con-  
demnantur, quoniam a communione ecclesiastica  
remouentur, diabolicæ dignoscuntur subiici pot-  
estati. Non enim est homo qui ligat, sed Christus,  
qui hanc ministris suis \* exhibuit potestatem. Ideo-  
que a suis episcopis excommunicatos ab aliis \* re-  
cipi, modis omnibus prohibemus. Episcopus au-  
tem, qui sententiam promulgauerit, eam vicinis epi-  
scopis \* enuntiet. Qui vero excommunicato, do-  
nec ab eo qui eum excommunicauerat, vel ab au-  
toritate sedis apostolicæ, absoluatur, scienter com-  
municare præsumperit, eadem excommunicatio-  
nis sententia ipsum teneri censemus.

### II.

Præcipimus etiam, \* quod tam episcopi, quam\*\*

xx. q. 9. cap.  
vlt.